

TE HEHEURAA API

»»»»»
ATOPA 1938

Te Faufaa No Te Faaoreraa I Te AVA e te AVAAVA.

UA iteahia te hoê ohipa tei hau atu i te maitai i roto i te Amuiraa na te Feia Apî, tei haaputuputu hia i roto i te Fare Menemene i Roto Miti, Utaha, i te ava'e Tiunu no teie iho nei matahiti. Ua amuihia e maha tauatini e tiahapa taata i reira, i te faaroora e i te fariiraa i te hoê parau faaite. (A hi'o i te parau i papaihia na te Antahu'araa, apî 148). E o ratou tei amuihia i reira, o te mau taata i maitihia ia ei mau aratai, e ei mau orometua no te Feia Apî i te mau Amaa atoa i roto i te Ekalesia.

I te taime i farii ai ratou i taua parau faaite ra, ua ite ratou e, te haapao ra ratou i to te Ekalesia hinaaro no taua parau ra. Oia hoi, te na ô mai nei te Ekalesia e, *E mea tia roa ia haapaohia te Parau Paari e to te Ekalesia, e te tahi atu â mau taata e tia'i.* E mea etaeta roa te ture a te Ekalesia ia ore te mau melo ia puhipuhi i te avaava e ia inu i te ava, e a ore ra, ia parau i te parau haavare no taua na mea ra.

Ia haamana'o tatou, i roto i te matahiti 1937, ua haamaua hia, i Amerika, e 30.754.854 tara moni marite, e te mau taata tei puhipuhi i te avaava, e na hoo mai ratou e 137 bilioni (137,000,000,000) cigarettes e te tita no taua moni ra. Aue te rahi o te moni tei haamau'ahia e ratou no taua mea ino ra.

No reira, ua mauruuru roa matou no te *Parau Paari* e no to matou haapao maitairaa i te reira. Aore roa te hoê noa iho taata e vai nei, o tei faatere i te ohipa a te Atua, i roto i te Ekalesia Moromona, tei puhipuhi i te avaava e tei iuu i

te ava. Aore roa te ture e aore atoa te *Parau Paari* e faatia i te reira. Ia na reira noa te mau taata atoa o teie nei ao e maitai ai, ia roaa mau ia ratou te paari, te puai i te tino e i te mau melo, e te *Ora mure ore* no te pae varua.

Ia ora â te ohipa maitai roa'tu te ravehia nei e te haapao hia nei e te Feia Apí.

Faaauhia e Noela C. Devey Orometua.

EDITORIALE.

IESU

Te Taata No Nazareta.

Eaha te tapao no te taata tuiroo?

Ua parauhia te taata faatere hau e taata tuiroo, no te mea ua roaa ia'na te mana no te faatereraa i te mau taata e rave rahi. Ua parau atoa hia te atimarara e te tenerara e taata tuiroo, no te mea e, i roto i te hi'oraa o to te ao nei, na riro te reira huru taata ei taata mana rahi, i te mana o teie nei ao.

E i roto i te mana'oraa o to te ao nei, e amui atoa-hia te taata ona, te taata ite hohonu, te taata imi ravea e te taata papai buka i rotopu i te taata i parauhia e, e mau taata tuiroo.

Ia hi'o rii tatou i te tahi huru tuiroo. *Ivai na te Logo i te matamua ra, i te Atua ra hoi te Logo, e o te Atua hoi te Logo. I riro mai nei te Logo ei taata e ua tiahapa mai i ô tatou nei. (Ioane 1:1, 14.)* E to'na ra i'oa o Iesu Mesia ia.

Ua fanauhia taua taata nei i roto i te hoê oire nainai; e tamaiti oia na te hoê taata veve. Ua parahi oia i roto i te tahi oire nainai, e ua rave oia i te ohipa tamuta i roto i te fare o to'na metua e tae noa'tu i te toru ahuru o to'na matahiti. E i roto i na matahiti e toru, ua poro itoitoe oia i te Evanelia a te Fatu.

Ait
raa te
oia i
tao'a
e piti
aita r
Aita t
na o t

A v
Iuda,
mai n
hia a'
E i re
te tiri
ihora
e piti.
tao'a

Poh
ma o t
no te
na iho
E i
ahuru
Ua tae
ao nei
rahi o
nei tei
pa ato
hia, e
te ao t

E te
mai i t
i te ma
na rá c
na: e a
6:33.)

Ia ite
Ta'na r

Aita oia i papai i te hoê buka, aita oia i haere i te haapii-
raa teitei, aita oia i mau i te hoê toroa no te hau, aita atoa
oia i faatere i te hoê nuu faehau, e aita roa i roaa ia'na te
tao'a rahi no teie ao. Aita atoa oia i haere na hanere maile
e piti i te atea, mai te vahi i fanau hia'i oia ra. Oia mau,
aita roa oia i rave i te hoê ohipa te faatu'i te roo o te taata.
Aita ta'na e hoê maunaa tama'i, maori ra o oia iho e te ma-
na o to'na Metua.

A vai noa'i oia i to'na apîraa, ua tama'ihia oia e te atî
Juda, faarue ihora to'na mau hoa ia'na e horo ê atura ratou
mai mua'tu i to'na aro; hunahia'tura oia e te hoê e ua tuu-
hia a'era oia, i roto i te rima o to'na mau enemî, e te tahi.
E i reira ua faaino roa-hia oia na roto i te haavaraa i mua i
te tiribuna fenua,—*e o Oia te Tamaiti a te Atua*. Patiti hia
ihora oia i te auri i nia i te hoê satauro, i ropu i na taata eia
e piti. E a pohe ai oia ra, ua ta keleru te mau faehau i ta'na
tao'a hopea i te ao nei, oia hoi to'na aahu.

Pohe roa a'era oia e ua tuuhia to'na tino i roto i te mene-
ma o te hoê hoa no'na ra, na roto i te aroha o taua taata ra,
no te mea e, aita to'na e hoê vahi iti a'e no te tanuraa i to'-
na iho tino.

E i teie nei, ua tae, e ua mairi hoi na tenetere aano e hoê
ahuru ma iva, e o Oia te turu e te aratai o to te ao atoa nei.
Ua tae a'enei te parau faaite na'na i te mau fenua atoa i te
ao nei. Te faahiti pinepine hia nei to'na i'oa Mo'a e te pae
rahi o te taata o teie nei ao, e e mea iti roa te toea o te ao
nei tei ore i faaroo i taua parau faaite no'na ra e te mau ohi-
pa atoa ta'na i rave. E na riro taua taata, o tei faasatauro-
hia, e to'na iho nunaa taata, ei hoê taata tuiroo roa'tu o to
te ao taatoa nei.

E tena na, eaha te faufaa rahi o tei roaa ia tatou na roto
mai i teie papairaa poto? Teie ia, oia hoi, eiaha tatou e imi
i te mana e te tao'a e ta tura o teie nei ao, area ra, *E mata
na râ outou i te imi i te basileia o te Atua, e te parau tia na-
na: e amui atoa-hia mai taua mau mea ra ia outou. (Mataio
6:33.)*

Ia itoitō roa tatou i te haapao maitai-raa i Ta'na ra mau ture e
Ta'na mau faaueraa, ia riro tatou mai la'na te huru.

TE PARAU AUTAHU'ARAH.

Haapiiraa no te Ava'e NOVEMA.

A Faaore i te Ava e te Avaava.

Ua mauruuru tatou i te Atua no To'na aroha ia tatou, i te heheuraa mai i te *Parau Paari* i te Peropheta ra ia Iosepha SEMITA ei tautururaa no To'na ra feia.

E ua maurunru tatou i te mau taata tei pohe e te feia paari hoi o te Ekalesia no to ratou haapao maitairaa i te *Parau Paari* a te Atua.

E ua mauruuru hoi tatou no te faaea-ore-raa a te Peresideni ra o Hebera GANANATA e to'na mau hoa, o te feia faatere o te Ekalesia nei, no ta ratou mau haapiiraa mai ia tatou ia haapao tatou i taua parau a te Atua ra, e no to ratou aniraa mai, i teie nei taime, i te Autahu'araa e i te mau pūpū atoa o te Ekalesia, ia faaore tatou i te ava e te avaava atoa.

O tatou, te feia faatere e te mau melo hoi o te Feia Apî o te Ekalesia a Iesu Mesia i te Feia Mo'a i te Mau Mahana Hopea Nei, i roto i te Amuiraa no Tiunu tei putuputuhia a'enei, te farii nei tatou e te faaite atu nei tatou i to tatou oaoa e to tatou hinaaro i roto i teie nei ohipa.

Te faaroo nei tatou no te mau parau faaite no te avaava, ua riro ia ei mau parau haavare, e na roto i taua mau parau faaite haavare nei, te hoo atura te mau sotaiete avaava i ta ratou avaava. Ia na reira noa taua ohipa au ore ra, e faainohia ia te mau taata apî.

Te faaroo atu nei tatou e, mai te taime i faaorehia'i te ture, i te Hau Amerika, tei ore i faatia ia innu te taata i te ava, ua faarahihia te inuraa ava, e ua faarahihia ihora te mau ma'i, te veve, te eia e te mau ohipa ino atoa. E taua parau faaite ra, o te tumu ia o teie mau ati nei.

Te faaroo nei tatou e, e ere ia i te mea au ia tuuhia taua parau faaite haavare nei i te mau taata apî, ia tai'o ratou i te reira e mana'o ihoa ratou e, e mea tia ia rave ratou i te

ohip

No

tatou

ma t

e e f

amaa

rahi

mau

i te a

faaito

Ui

F

ô nei t
tia, e e

ohipa ino, mai te inuraa i te ava e te puhipuhiraa i te avaava.

No reira, te faaite papu atu nei tatou e, e haapao maitai tatou i te mau haapiiraa a te Feia Apî; e haapii atu tatou, mā te itoito, i te *Parau Paari* mai tei heheuhia mai e te Atua, e e farii hoi tatou i te mau ohipa tauturu i roto i to tatou iho amaa, i te haapii atu i te vetahi atu â mau taata i te faufaa rahi no te *Parau Paari* nei. E teie hoi, e imi noa tatou i te mau ravea e faaiti hia'i taua ohipa ino ra, oia hoi, te inuraa i te ava, te puhipuhiraa i te avaava e te neneiraa i te parau faaite haavare.

Te Mau Uiraa:

Uiraa 1. Nohoa mai teie parau ?

" 2. I nafea e i hea teie parau i fariihia'i ?

" 3. No te aha i fariihia'i teie parau e taua mau taata nei ?

" 4. Ua heheuhia taua Parau Paari ra ia vai ?

" 5. Eaha ie tumu ua rahi te hinaaro o te taata nei ia inu i te ava e ia puhipuhi i te avaava ?

" 6. E mea tia anei teie mau parau faaite a te Feia Apî ?

" 7. E mea tia anei ia haapii atu tatou i teie mau parau ?

" 8. E mea tia anei ia tauturu i te Ekalesia i te faa-oreraa i teie nei mau parau ino e te mau ohipa ino hoi ?

Na Te Mau Maapii

Mahaere na te mau utuafare,

Ta Tatou Ohipa Rahi.

O TATOU te Feia Mo'a i teie nei mau mahana hopea nei. Ua farii mai tatou i te hoê ohipa rahi. Te na ô nei tatou, e rave itoito tatou i te mau ohipa mâ e te parau tia, e e rave taton i te ohipa i horoahia mai ia tatou, no te

tautururaa i to tatou mau taeae e to tatou mau tuahine hoi, o tei ore i ite i te Evanelia mai ia tatou i ite i te reira. No reira, ia haapii atu tatou i teie mau parau ia ratou, oia hoi, te mau parau tei neneihia, na te Autahu'araa, i teie ava'e.

TE SOTAIETE VAHINE TAUTURU.

Haapiiraa no te Ava'e NOVEMA.

Irava Tamau Aau: Mataio 21: 21.

Mahana Maha (Matamua).

E mahana iritiraa mana'o ia.

Mahana Maha (Piti).

Te huru o te ao nei i te tau no te mau Aposetolo.

Te mau Aposetolo a te Mesia, ua tae mai ratou i roto i te ao nei i te tau tahito. Oia hoi, ua rahi te mau nunaa tei tupu, e tei mairi ho'i i te hiti o te Miti Mediteraneani, e ua iteahia te reira mau nunaa hou i te tau o te mau Aposetolo. Te mau fenua rahi, mai ia Aiphiti, ia Babulonia, ia Asura e ia Peresia hoi, ua faaoti ratou i ta ratou mau ohipa, e ua reva ê atu ratou. I te tau no te mau aposetolo, o Roma ia te fenua puai i te ao nei. Tei raro a'e te mau feia i Aferika, i Asia e i Europa apatoa hoi, i te faatereraa a te Hau Roma.

Te Mau Uiraa:

Uiraa 1. Eaha te huru o te ao i te tau o te mau aposetolo ?

" 2. Ua rahi anei te mau nunaa i reira, hou a'e i to ratou tau ?

" 3. O vai mau te mau nunaa rahi tei mairi ?

" 4. O vai te Hau-rahi i te tau o te mau aposetolo ?

" 5. O vai ma te mau nunaa i raro a'e ia'na ?

Mahanu Maha (Toru).

Te huru o te haereraa na nia i te fenua, i roto i te Hau Roma.

Ua mana'ohia e te mau taata paari, te vai ra, mai te huru ra, e pae ahuru, e a ore ra, e hitu ahuru ma pae milioni taata i raro a'e i te faatereraa o te Hau Roma, e ua rau te huru o to ratou mau reo e ta ratou mau peu.

I te reira tau ra e mea huru hau te mau peapea i nia i te

ao ne
turu
parur
faaite
te ate
parau
tamaa
atu oi
taua o
fenua

Uiraa

"

"

"

"

"

Ua

Te v

te mau
ohipa r
mea e,
nei.

Te m

taata fa
mau tu
no Rom
mau tu
ratou i
ratou e
ni aufat
e taata
ia haere
na reira

ao nei. Ua hamani ratou i te mau purumu maitatai e ua tauturu te Hau i te mau Orometua, e i te tahi mau taime, ua paruru te Hau ia ratou. Te vai atoa ra ta ratou mau parau faaite i nia i te purumu, ia taa i te mau taata e, e hia maile te atea mai te tahi vahi i te tahi vahi, e te vai atoa ra te mau parau faaite no te huru o te mau fare taotoraa e te mau fare tamaaraa hoi. Mai te mea ua hinaaro te hoê taata ia haere atu oia i te hoê vahi atea, te vai ra te mau taata aratai no tana ohipa ra, e te vai ra hoi te mau pereoo, e te puaahorofenua atoa no te reira mau haereraa.

Te Mau Uiraa:

- Uiraa 1. Ehia taata i roto i te Hau Roma, i te tau o te mau aposetolo ?
 " 2. Hoê noa iho reo anei to ratou ?
 " 3. E mea rahi anei to te mau Hau peapea i taua tau ra ?
 " 4. Ua tauturu anei te Hau i te mau taata i reira ?
 " 5. E mea au anei ia haere te mau taata i te vahi atea ?
 " 6. Eaha te huru o te mau haereraa ?

Mahana Maha (Maha)

Ua haapeapea anei te Hau Roma i te Feia Mo'a ?

Te vai ra to ratou hape, area ra, aita ratou i haapeapea i te mau ohipa no te pae faaroo. Ua ite ratou e, e mea au tana ohipa ra e aita roa ratou i haapeapea i taua ohipa nei, mai te mea e, ua haapao te mau taata i te mau ture no te pae tino nei.

Te mau faatereraa i nia i te mau tufaa fenua.—Na te mau taata faatere no te Hau e hi'opoa i te mau ohipa i roto i te mau tufaa fenua, e mai te mea aita e haafifihia te mau ture no Roma, ua faatia noa ratou i tana mau ohipa ra. I te tahi mau tufaa fenua, na te hoê arii i faatere i reira, i raro a'e ra ratou i te Hau Roma. Na te Hau Roma i maiti ia ratou e na ratou e haapao i te mau ohipa atoa, mai te titauraa i te moni aufau e na ratou hoi e haava i te mau taata. E mai te mea e taata mau no Roma, te hoê taata i haruhia, e tia ia ia'na ia haere i Roma no te haavaraa. Mai ia Paulo te huru, ua na reira oia no te mea e taata mau oia no Roma.

Te Mau Uiraa:

- Uiraa 1. Ua paruru anei te Hau Roma i te Feia Mo'a ?
 " 2. Na vai te mau ture no te pae tino nei ?
 " 3. Na vai i faatere i te mau tufaa fenua ?
 " 4. Na vai i maiti ia ratou ?
 " 5. Na vai i haava i te mau taata ?

HAAPIIRAA SABTI.

Haapiiraa no te Ava'e NOVEMA.

NA TE PUPU PARAIMERE

Irava tamau aau: *Mataio 9: 13.*

- Novema 6. Ua faaorahia oe e to oe faaroo. Mat. 9:20-22; Mare. 5:25,34.
 " 13. Ua faaora o Iesu i te tavini o te hoê taata. Mat. 8:5-12;
 Luka 7:1-10.
 " 20. Te aamu no te tae raa'tu o te Feia Mo'a i Roto Miti.
 " 27. Hi'opoaraa.

NA TE PUPU PITI

Irava tamau aau: *Maseli 9:9-12.*

A haapii atu i te ora o IESU MESIA.

NA TE PUPU 3 e te 4.

Irava tamau aau: *Mosia 26:22-23.*

- Novema 6. Alama te Orometua. Mosia p. 26.
 " 13. Te Evanelia no te hau. " 28.
 " 20. Te faatereraa a te mau Haava. " 29.
 " 27. Hi'opoaraa.

HAAPIIRAA NA TE FEIA API.

HAAPIIRAA NO TE AVA'E NOVEMA.

Irava tamau aau: *Mataio 22: 29-30.*

29. Ua parau atura Iesu ia ratou, na ô atura, Te hape nei outou i te ite ore i te parau i papaihia ra, e te mana o te Atua. 30. I te tia faahouaraa ra, aore ia e faaipoiporaa, aore hoi e horoaraa ia faaipoipohia, e au ra ratou i te mau melahi a te Atua i te ao ra.

E Haapiiraa No Nia I

TE MAU HAAPIIRAA A TE PEROPHETA.

Tei iritihia e HENERE Orometua.

Te Faaipoiporaa:

O te faaipoiporaa ra, o te metua vahine ia no teie nei ao,

e o
te m
nu m
rahi
te fa
nei i
te oa
te hu
taata

1.

2.

3.

4.

5.

6.

7.

8.

Te I

Ia o
raa m
atu a
Autah
heraa,
i muri
hia na
teie ne
Maitai
haere
retiera

e o oia tei faaora i te mau Basileia, tei faa'i i te mau oire e te mau Ekalesia, e i roto i te mau oire rii atoa. E mai te manu meli faufaa rahi, e faatia oia i te mau utuafare e o tei faarahi te monamona no roto mai i te mau tiare, e o tei itoitio i te faataheraaa i to'na mau meli. Oia atoa tei faaamu i te ao nei i te mau monamona maitai roa ra o tei faatupu i te hau, te oaoa e te anaanatae i roto i te auu o te taata. O teie hoi te huru i hinaarohia e te Atua ia vai noa i rotopu i te mau taata o te ao nei.

Te Mau Uiraa:

1. *Eaha na faaueraa rahi matamua e piti ta te Atua i ho-roa mai ia Adamu?*
2. *Ua tia anei ia'na ia haapao i na faaueraa e piti ra?*
3. *Eaha te faaueraa tei haapaohia e ana?*
4. *Eaha te faaipoiporaa?*
5. *Ua faaauhia te faaipoiporaa i te aha?*
6. *Eaha te ho'e hara rahi i ravehia na roto i te faaipoipo-ore raa?*
7. *E mauruuru anei te Atua i te taata te ore e hinaaro ia faaipoipo?*
8. *Eaha te tahi mau faufaa rahi no te faaipoiporaa i roto i teie nei ao?*

HAAPIIRAA PITI NO NIA I TE MAU HAAPIIRAA A TE PEROPHETA

Te Faaipoiporaa e Mana no a muri atu:

Ia ore ana'e te tane e te vahine ia tomo i roto i te faaau-raa mure ore no te faaipoiporaa, e ia faaipoipohia no a muri atu a vai ai raua i roto i teie nei ao, e na roto i te mana o te Autahu'araa, e faaea ia raua i te haere i mua i te taima poheraa, oia hoi, e ore roa ia raua e fanau faahou i te tamarii i muri a'e i te tia faahouraa. Area râ, o ratou tei faaipoipo-hia na roto i te mana mau no te Autahu'araa rahi, e i roto i teie nei oraraa, e ia haere ratou ma te faaino ore i te Varua Maitai e mai te haapao i te mau ture, e tia ia, ia ratou, ia haere â i mua e ia fanau i te tamarii i roto i te hananana Ti-retiera.

I roto i te hanahana Tiretiera te vai nei na huru parahiraa e toru, e ia titau te hoê taata i te parahiraa teitei roa a'e, e mea tia ia'na ia tomo i roto i teie haapaoraa no te Autahu'araa, (oia hoi te ture apî no te faaipoiporaa no te pae varua): e ia ore oia ia haapao i te reira, eita ia e noaa ia'na taua parahiraa teitei ra. E tae râ oia i roto i te tahi mau vahi, o te hopea ia no to'na basileia: eita roa e noaa faahou ia'na te haereraa i nua. (Irava Parau N° 1530).

Te Mau Uiraa:

1. Ua faatia anei te Atua i te oro'a faaipoiporaa no te ao a-na'e anei?
2. Ia ore tatou ia faaipoipohia, no a muri atu, i roto i teie nei ao, e faaerehia ia tatou i te aha?
3. E tia anei i te taata ia faaipoipo i te ao ra, i muri a'e i te tia faahouraa? *Mat. 22: 29-39.*
4. Ehia huru hanahana e vai nei i roto i te hanahana Tiretiera?
5. Eaha te hoê ture rahi te horoahia no ratou te tae i roto i parahiraa teitei roa a'e?
6. Teihea te vahi i faataahia no tatou, no te faaipoiporaa no te ao a muri atu?
7. Nahea te mau taata tei pohe e aore a ratou e ravea no te haere i roto i te hiero?

HAAPIIRAA TORU NO NIA I TE MAU HAAPIIRAA A TE PEROPHETA

Tei iritihia e RAREFA Orometua.

Ua na ô mai te Fatu ia Iosepha Semita i te 12 no Tiurai, i te matahiti 1843, i Navu:

Te faainoraa i te Varua Maitai, o te hara e ore roa e faaorehia i te ao nei, e a ore ra, i rapae i te ao nei, o te haamarii raa ia o te toto no te taata hara ore, e te faâraa mau o To'u poheraa, *na muri a'e i to outou fariiraa i ta'u tafau mure ore, (Te faaipoiporaa mure ore)*, te na reira maira te Fatu te Atua. E o oia te ore e haapao i teie ture, e ore atoa oia e tomo i roto i To'u hanahana, area râ, e faahapa hia oia, te na reira maira te Fatu. B. F. 132:27.

Te Mau Uiraa:

1. E ora mure ore anei to roto i te mau hanahana Tiretiera, Teretetiera e te Tiretia hoi?

P. E, oia mau roa.

2. E farii anei te rahiraa o te mau taata i te hoê no taua na hanahana e toru ra?

3. E tia anei ia faaore i te hara no te haamaniiraa i te toto hara ore?

P. E tia noa, tirara râ, eita ratou tei na reira e farii i te hanahana o te Atua, oia hoi, te Tiretiera.

4. Eaha te faainoraa mau i te Varua Maitai o te ore roa e faaorehia?

5. Eaha teie ture i parau hia, e fafau mure ore?

6. E rave rahi anei te mau taata o te faaerehia?

P. Aita.

TATARARAA:—O te hinaaro mau ia o te Atua ia horoa i ta'na mau tamarii te ora mure ore, e ua tuu mai Oia i te ravea no tatou. E rave rahi te man parahiraa e vai nei i roto i taua na hanahana e toru ra, e e farii ihoa te mau taata i te hoê o taua mau parahiraa ra, mai te au i te ohipa maitai ta'na i rave i to'na faaearaa i nia i te ao nei. E mea iti roa te taata o te faaere roa hia, e e ere atoa hoi i te mea rahi o te farii i te hanahana mau o te Atua, maori ra, ia farii ratou i te Fafau Mure ore, e i reira e tia'ia ratou ia fanau mai i te tamarii i tera ao, mai te Atua i fanau mai i to tatou mau varua. Ia na reira tatou e riro ihoa ia tatou ei Atua, e te reira ihoa te aua no te parau, "aita e haamataraa e aita hoi e hopea", no te mea, te mau taata o te roa ia ratou te toroa Atua, e tia ia ia ratou ia rave i te ohipa Atua, oia hoi, ia fanau mai i te mau tamarii e ia faatia i te hoê parahiraa no ratou, mai ta to tatou Atua i na reira no tatou.

HAAPIIRAA MAHA NO NIA I TE

TE MAU HAAPIIRAA A TE PEROPHETA.

Tei iritihia e RAREFA Orometua.

Ua parau maira te Fatu ia Iosepha Semita:

Amene, amene, te parau atu nei au ia oe na, mai te mea e, e faaipoipo te tane i te vahine, mai te au i Ta'u parau, e ua titirohia raua e te Varua Maitai mai te au i Ta'u faaiteraa, e i reira e hara raua, e a ore ra, e faahapa raua i te ture fafau mure ore, e ia faaino noa'tu i te taata, e ia ore râ raua e haamarii i te toto hara ore, noa'tu ra i te reira, e tia faahou ratou i te tia-faahou-raa matamua e e tomo ihoa ratou i roto i to ratou hanahana; area ra, e haamou-hia ratou i roto i te

pae tino nei, e e horoahia ratou i roto i te raverā a Satane e tae noa'tu i te mahana haavaraa, te na reira maira te Fatu. (B. F. 132:26).

Te Mau Uiraa;

1. E au ihoa teie parau ia vai?
2. Eaha ia te ravea ia titirchia te faaipoiporaa e te Varua Maitai?
3. O ratou o te fafau e, e tomo i te *fafau mure ore*,—e tia anei ia Satane ia faaore e ia haamou mau ia ratou?
(A faaau iteie nei uiraa i te parau mai tei papahia i roto i te mau haapiiraa a Paulo. I Korinetia 5;5.)
4. Eaha te auraa mau no te ohipa, *Ia pohe te tino ia ora te Varua?*

P. Te pohe i parauhia nei, ua faaauhia ia i te pohe o te tino, oia hoi, te mau ohipa ino e te viivii, eiaha rā no te tino i faanehehehia no te oraraa o te varua.

5. I te tia-faahouraa matamua ra, eaha ia te huru no to ratou utu'a? Ua na ô mai te parau tumu: *Noa'tura, e tia faahou ratou i te tia-faahouraa matamua, e e tomo ihoa ratou i roto i to ratou hanahana.* Eaha te hanahana ta ratou e farii? E hanahana Atua anei? E a ore ra, e hanahana aha?

P. Eita; e farii ihoa ratou i te ora mure ore, area ra, aita te irava e faaite mai nei e, e farii ratou i te hanahana Tireriera. A haamana'o tatou e, te vai ra te ora mure i roto i na hanahana e toru ra, e e farii ihoa ratou i to ratou hanahana mai te au i ta ratou ohipa i nia i te ao nei.

HAAPIIRAA NO TE PARAIMERE.

No te Ava'e NOVEMA

HAAPIIRAA HOÊ

Tei iritihia e NOELA Orometua.

Te tumu no te puai o Daniela:

I te fare o Mere ua patehia te oe no te tamaaraa i te ahi-ahi, e aita i maoro ua horoahia te mau tamarii e ua tae atu i roto i te piha tamaaraa. I te reira taima ua haere atoa mai te metua tane e ua tuturi ihora ratou i raro, e ua faaite atu te metua tane, i te Atua, to ratou maururu no Ta'na mau haamaitairaa ia ratou, e ua ani atoa oia no te parururaa e te

tautur

I m
mata
mai te
atea ê
rahi oi
te Atu
tamari

Ia p
oia i r
taine
te uain
huru m
ia'u te
maa ta
inu noa

“ Ma
parau.

Ua n
roaa ia
nua ra.

1. Ua
2. Ua
3. E
4. Ea
5. No
6. Ea

I te h
i'oa e e
oia i te l
ma. E r
to'na e

tautururaa hoi no ratou.

I muri a'e ua pure o Mere, i te Atua, no te maa e ua haamata ratou i ta ratou tamaaraa. I te reira taime ua parau mai te Metua tane: "I te hoê tau tahito, i te hoê fenua i te atea ê, ua faaea te hoê taata, o DANIELA to'na i'oa. E taata rahi oia, e ua haapiihia oia, e to'na metua vahine, ia pure i te Atua, e ua horoa atoa'tu oia na'na te mau maa e au i te tamarii, ia roaa ia'na te puai e te paari atoa hoi.

Ia paari rii o DANIELA ua ravehia oia e te Arii, e ua faaea oia i roto i to fare o te Arii, e i te mau mahana atoa, i na taine e toru, ua afai mai te mau tavini a te Arii i te ina'i e te uaina i mua ia'na, aita ra o DANIELA i amunoa'tu i taua huru maa ra. Ua na ô maira oia, te hinaaro nei au ia roaa ia'u te puai e te paari atoa, e no reira e amu vau i te mau maa ta te Atua i faaite mai e, e mea au ia amu. No reira ua inu noa oia i te pape mâ e ua amu i te maa maitai."

"Mai teie, ta Mama i faaineine na tatou," o ta Mere ia parau.

Ua na ô mai te metua tane, "E, ua paari o Daniela e ua roaa ia'na te puai, e ua riro oia ei taata faatere i nia i te fenua ra.

Te mau uiraa:

1. Ua faaitehia teie aamu i hea ?
2. Ua ite anei ratou i te pure ?
3. E taata pure anei o Daniela ?
4. Eaha te huru o te mau maa ta'na i amu ?
5. No te aha i na reira'i oia ?
6. Eaha te parau ta Mere i faaite atu i te hopea ?

HAAPIIRAA PITI.

Tei iritihia e NOELA Orometua.

I te hoê anotaui tahito ua vai te hoê taata, o IAKOBO to'na i'oa e e tia i mamoe hoi oia. I te hoê mahana ua haere atu oia i te hoê vahi atea roa, oia hoi, i te fenua o to'na ra mama. E mea papu ua fifi roa to'na haereraa, no to mea aita to'na e hoa e aita hoi ta'na e kamela e ua na raro noa oia i

te haereraa. Noa'tu ra i te reira, te vai noa ra to'na tia i tei na pihai noa iho ia'na i te haereraa. O vai te reira? Aita o IAKOBA i ite. Ua ite râ oia e, te tia i noa ra te Atua i to'na nau metua e to raua utuafare hoi: aita râ oia i haamana'o e, tei pihai atoa iho te Atua ia'na e tae noa'tu i te hopea o te ao nei.

I te hopea o te mahana matamua, ua faaea oia i te hoê vah i no te mea, ua po te mahana; ua rave atura oia i te tahi mau ofai e ua faariro ia ratou ei turua no'na ra, e ua taoto oia i raro ma te hi'o rii i te mau fetia.

Ua hi'o anei oe i te mau fetia ma te haamana'o e, e mau ao ratou mai to tatou nei te huru? Mai te mea aita â oe i na reira, a haere oe i rapae i te fare, i te tahi po na mua a'e i to oe pureraa ahiahi, e hi'o oe i nia i te mau fetia. E haamana'o paha oe mai ta Iakoba haamana'oraa i taua po i tahi to ra. Ua ara to'na varua e ua haamana'o oia i te Atua. E ia hi'o oe i te fetia, e haamana'o oe i teie parau iti.

Na te Atua, to tatou Metua, i hamani i te po; e Na'na hoi i hamani i te ava'e e te mau fetia maramarama.

Te mau uiraa;

1. O vai teie tamaiti tei haere i te vahi atea?
2. O vai to'na hoa i to'na haereraa?
3. I te hopea o te mahana matamua, eaha te ohipa ta'na i rave?
4. E i to'na hi'oraa i te mau fetia, eaha ia ta'na i haamana'o?
5. E tia anei ia na reira atoa tatou?
6. No te aha?

HAAPIIRAA TORU.

Tei papaihia e Rarefa Orometua.

Ua na ô mai Iesu ia tatou: **a faatura ou'ou i to outou na metua.**

I te hoê anotau te vai ra na manu e piti, e ua hamani raua i to raua ofaaraa i roto i te hoê tumu raau nehenehe roa. I reira ua horoa mai te Atua e maha huero na raua, e ua tu-

pu iho
raua te
huero
taua ut
maitai

Haap
mea no
to ratou
te Mam
raa, are
ue atu
itoito m
hoê fan
e ua tup
na tein
mea e h
tu ra i t
ua tupu
hoê o to
oia i to'
te Mam
ta'u par
te Mam
i te mea
muri iho
i te para

Oia at
mau par
Metua n

1. Eal
2. Eal
3. Ua
4. Eal
5. Eal
5. No

pu ihora to raua oaoa no te mea ua ite raua e, e roaa mai ia raua te fanau'a. Pau ihora e piti hepetoma, pata ihora te mau huero e ua haere mai te mau manu rii i rapae. Ua farerei taua utuafare manu ra te î-raa o te oaoa, no te mea ua haamaitai mai te Atua ia ratou.

Haapii atura te mama manu i te mau manu rii i te mau mea no teie nei ao, e ua haapii atoa oia ia ratou ia haapao i to ratou pererau ia mau ratou i roto i te reva. Parau atura te Mama ia ratou: " Te ite nei outou i te huru no te maueraa, area ra, eiaha outou e faarue i teie nei tumu raau a mau atu ai i te tahi, no te mea' aita â to outou mau pererau i itoitaitaitai e eita hoi outou e tae atu. Ua mana'o ihora te hoê fanau'a e, e tae atu oia ia mau e i te tahi atu tumu raau e ua tupu to'na mana'o e, e tamata oia. Taparu atura to'na na teina e to'na tuana ia'na, eiaha oe e haere, —e mai te mea e haere oe, e topa ihoa oe i raro i nia i te fenua. Noa'tu ra i te reira man taparu, ua haere oia, e i to'na haereraa ua tupu to'na rohirohi, mairi ihora oia i raro e fati ihora te hoê o to'na pererau. Tai atura taua manu iti ra e ua pii noa oia i to'na mama ia haere mai e tauturu ia'na. Ua tae atu te Mama i pihaiho ia'na e na ô atura: *Ahiri oe i faaroo i ta'u parau, aita ia oe i farerei i teie ati.* E i reira ua afai atu te Mama i te manu iti i te fare. Tatarahapa ihora te manu iti i te mea e, aita oia i faatura i to'na Mama. I na mahana i muri iho, ora roa'tura to'na pererau e aita oia i patoi faahou i te parau a to'na Mama.

Oia atoa o tatou nei,—E mea tia roa ia haapao tatou i te mau parau a to tatou Mama. A faatura tatou i to tatou na Metua no te mea te ite nei raua i te mau mea te au no tatou.

Te mau uiraa:

1. Eaha te Parau tumu no teie aamu ?
2. Eaha te tumu ua tupu te oaoa o teie nau manu paari ?
3. Ua aha te Mama ia ratou ?
4. Eaha te mea ta te Mama manu i opani i ta'na mau fanau'a ia rave ?
5. Eaha te tumu ua fati te pererau o te hoê manu iti ?
5. No te aha e mea tia ia tatou ia haapao i te parau a to tatou Metua Vahine ?

HAAPIIRAA MAHA.

Tei papaihia e Rarefa Orometua.

A paraparau ai o Maria rana e to'na Mama, ua na ô atura oia: "E Mama, ua hinaaro roa vau ia riro ei Arii vahine, ma to'u mau tavini e ta'u mau pîpî". Pahono maira to'na Mama ia'na, na ô maira: "I te matamua ua parahi oe i pihaiho i te Atua, i te ao varua. I te taeraa te tau e, e mea tia ia oe ia haere i mua e ia roaa faahou mai ia oe te ite e te paari hoi, ua tonono mai te Atua ia oe i ô nei. Ua horoa atoa mai te Atua i ta oe mau tavini e ta oe mau pîpî no te faatere ia ratou, oia hoi, to oe nau *rima*, to oe *vaha*, to oe *mata*, to oe *arero*, to oe nau *taria* e to oe nau *avae*. I teie nei, te auraro nei taua mau tavini ra ia oe, no reira e mea tia ia oe ia aratai e ia faatere ia ratou i roto i te mau peu maitai. A haapii oe ia ratou i te mau mea mâ e te mau mea e au i te Atua.

Eiaha oe e faatia i to oe *arero* ia parau i te hoê parau ino; eiaha oe e faatia i to oe na *rima* ia eia i te hoê tauihaa na te tahi ê; e haapao atoa oe i te toea o to oe na mau tavini mai te reira te huru."

Ua pahono atura o Maria: "E na reira ihoa vau, e Arii vahine ihoa vau, e e haapii ihoa vau i ta'u mau tavini i te mau mea e au i te Atua e i te Hau atoa hoi.

E ia ho'i atu vau i mua i te aro o te Atua, e faaite atu ia vau ia'na e: *Teie to'u mau tavini ta Oe i horoa mai na'u, ua mâ ratou i te mau mea iino.*

Te mau uiraa;

1. Eaha te mea i hinaarohia e Maria?
2. Eaha te tumu ua tae mai tatou i nia i te ao nei?
(A pahono mai, mai te au i ta te Mama faaiteraa ia Maria.)
3. Eaha te huru no to tatou mau tavini ta te Atua i horoa mai?
4. Eaha te tumu e mea tia ia haapii tatou i to tatou mau tavini i te mau mea maitai?
5. Eaha te mea te ore e tia ia tatou ia faatia i to tatou

6. Ia

A imi
roto i terotopu i
Hiero, e
te aha i
nua i ma
Te vai raUa pa
ra tei ma
I te tahi
reira hae
reira ua
i to'na fe
pu noa to
ma'i, e u
teina o E
ra oia ma
na i to'na
roa e ravoI te ma
ua haere
te mana'o
to'na itera
tai oia, e
Ereneta.

6. Ia ho'i faahou atu tatou i mua i te Atua, eaha ia te mea te tia ia tatou ia faaite atu i te Atua no to tatou mau tavini ?

A imi maitai i te mau pahonoraa mai te au i tei faaite-hia i roto i teie aamu.

To Tatou Taeae TE INITIA.

I Roto i te hoê tufaa fenua no Canada, te vai ra te mau tufaa fenua i maitihia no te mau Initia. I rotopu i teie mau tufaa fenua, ua faatia te Ekalesia i te hoê Hiero, e ua na ô mai te hoê taata i roto i taua Hiero ra: *No te aha i faatiahia'i teie nei Hiero i rotopu i teie nei mau fenua i maitihia no te mau Initia.* E ua na o faahou maira oia: *Te vai ra te tumu rahi.*

Ua parahi noa te hoê taata Initia i nia iho i taua fenua ra tei maitihia no ratou, e o Ereneta Balaserota to'na i'oa. I te tahi tau tupu atura to'ua flu i to'na parahiraa i reira no reira haere atura oia i te fenua i apatoa. I to'na faaeearaa i reira ua tupu te hoê ma'i i nia iho ia'na, e ua ho'i mai oia i to'na fenua ai'a na nia iho i ta'na puaahorofenua. Ua tupu noa to'na ma'i i te rahiraa e ua haere atu oia i te fare ma'i, e ua raauhia oia no te hota. I te taime i faaroo ai te teina o Ereneta i te huru o to'na tuaana, ua haere oioi mai-ra oia ma te haamana'o noa e, o te farereiraa hopea teie to'na i to'na tuaana, no te mea ua faaite te taote ia'na e, aita roa e ravea faahou no te faaoraraa i to'na tuaana.

I te mahana ra i muri a'e i to raua farereiraa matamua, ua haere faahou oia e farerei i to'na tuaana, ia Ereneta, ma te mana'o noa e, te haere noa ra to'na ma'i i te rahiraa e i to'na iteraa ia Ereneta ua maere oia, no te mea ua huru maitai oia, e i te mau mahana i muri a'era, maitai roa'tura o Ereneta. I reira na ô atura te teina o Ereneta ia'na, e mea

maere roa teie ia'u, no te mea ua parau mai te taote ia'u e, e pohe ihoa oe, e i teie nei te maitai noa nei oe e ua fatata roa hoi i te ora.

Ua na ô atura o Ereneta i to'na teina: "E to'u teina teie to'u ro'i i ô nei, e i to'u taotoraa i raro, i nia i teie nei ro'i, ua tia noa ia'u ia hi'o i rapae e ua hi'o noa vau i tera hiero i ô, i te atea ra. I na po i mairi a'enei, ua haere mai te hoê taata i pihaiho ia'u, e aita hoi au i matau ia'na, e ua faa-tahinu oia i to'u ouma e ua faaite mai oia ia'u, eita roa vau e pohe. E toru po to'na haereraa mai e ua na ô maira oia iau, Ereneta, a hi'o na oe i taua Ekalesia uouo? Te mau feia tei faatia i taua Ekalesia ra, na ratou ana'e te Ekalesia mau i nia iho i te ao nei. O te Ekalesia te reira te tia ia oe ia haapao, e ia ora roa oe, a fafau mai oe ia'u e, e faaite atu oe i te mau Initia paatoa i te mau mea tei tupu i te taime a yai ai oe i te ma'i."

Ua fafau o Ereneta i taua taata ra no te mea, ua fatata roa oia i te pohe, e i teie nei ra ua ora oia, no reira ua haere oia i rotopu i te mau Initia e ua faaite atu oia ia ratou i te huru o te mau mea i tupu i nia ia'na a vai ai oia i te ma'i, e ua faaroo noa e ua farii atoa te mau Initia i ta'na mau parau.

I te reira taime ua faaroo atoa te mau Tahu'a e te mau taata faatere o te mau Initia i te aamu no Ereneta, e i reira haere atura ratou e farerei ia'na ma te parau atu e: a faaea i te faatia faahou i taua aamu ra. Area ra ua na ô atu o Ereneta ia ratou: "Ua ite au e, e aamu mau teie, no te mea, i te taime o to'u ma'i, ua hi'o mau vau i teie mau mea o tei faaite hia'tu e au ia outou na. Aita roa o Ereneta i faarue i taua aamu ra, no reira ua ravehia oia e te mau tahu'a e ua hurihia i roto i te fare auri.

Aita roa te mau tahu'a i faatia ia haere o Ereneta i rapae i te fare auri, maori râ ia fafau atu oia ia ratou e, eita oia e faaite faahou, i te mau taata, te mau mea tei tupu i te taime o to'na ma'i. No reira ua fafau atura o Ereneta ia ratou e ua tuhia'tura oia i rapae i te fare auri. Area ra, te tapea noa ra o Ereneta i taua ohipa ra i roto i to'na aau no te mea e, te ite noa nei oia e, e parau mau hoi te reira.

Papaiha e Eledona Crometua.

I te 2

metua i t
mea, eita
i rotopu i
tai raua i
haamaita

I te 16

ra o SET.
râ, no te
ratou tere
to ratou t
rereiraa i
ru i te An

Te vai

tae i te fai
e te apî at
parau e, te

Ua vai

hamani i
1.116 fra.

Ua har

mai taua n
nua i Pana
32 metera
puaahorofe

Ua itea

tia ia tamâ
vahi maere
pape e aita
fenua ua ro

Ua iteh

fenua Marit
te mau tum
tahee, ia an

I te 5 no

o Rigault de
tei tae to'na
tou mau fer

TE MAU PARAU API

I te 25 no Atopa nei e reva'tu ai o RAREFA raua o TENETA Orometua i to raua ai'a. Te faaite atu nei raua i to raua aroha ia outou, no te mea, eita roa e mo'e ia raua o outou e te huru o te ohipa tei ravehia e raua i rotopu ia outou. Ua hope roa to raua mauruuru ia outou, e ua rave maitai raua i te ohipa i teie paeau moana nei, e te ani atu nei raua i te Atua ia haamaitai mai ia outou e tae noa'tu i te farereiraa mau i tera ao maitai.

I te 16 no Setepa i mairi a'enei ua reva'tu to tatou Peretiteni apî ra o SETEFANO, e to'na utuafare, i Hikueru no te Amuiraa i reira. Area râ, no te pinepine ore o te pahi i teie mau tau, ua haapotô atura ratou i to ratou tere ia tia ia ratou ia ho'i oioi mai i Papeete nei. Noa'tu i te poto o to ratou tere, ua faaterehia te mau pureraa e te mau haapiiraa apî no te farereiraa i te Peretiteni e to'na utuafare. E faatere noa to te Amaa i Hikueru i te Amuiraa no Atopa.

Te vai nei te hoê taata, i Amerika, o ARCHIBALD to'na i'oa, tei tae i te faito ra e, e vau avae e e vau initi i te teitei. E taata huru roa teie e te apî atoa hoi, no te mea e 23 noa iho matahiti to'na, e te na ô maira te paran e, te tupu noa nei oia; area, to'na metua tane ra, e taata poto roa ia.

Ua vai e ana te hoê taata Italia, o STRADIVARIUS to'na i'oa, tei hamani i te fira; e i roto i to'na oraraa ua hamani e ua faaoti roa oia e 1.116 fira.

Ua hamanihia a'enei te hoê machine rahi no te heruraa i te mau apoo mai taua mau machine o tei heru i te repo no te hamaniraa i te tapuraa fenua i Panama. I teie nei machine apî ra, e tia noa ia'na ia tapu e ia ope e 32 metera repo i te taima hoê no te mea te puai o taua machine ra e 3.500 puaahorofenua ia.

Ua iteahia te hoê raau apî no te rapaauraa i te ahu ia ore ia rari. E tia ia tamâhia te ahu i taua raau ra tei parauhia te (te tamâ-raa maro) e te vahi maere, te ahu tei tamâhia i taua raau ra, e ore roa ia e rari faahou i te pape e aita atoa e tafetafeta i te inita. E raau tano roa te reira no te mau fenua ua roa.

Ua itehia te ohipa apî no te miti tahee, oia hoi, i roto i te hoê tufaa fenua Marite e tuu noa te taata i te reira miti i nia iho i te mau raau maa e te mau tumu tiare hoi, no te mea eita roa te mau manumanu e au i te miti tahee, ia amu ratou i te reira e pōhe ihoa ratou.

I te 5 no Setepa i mairi a'enei, ua reva'tu te pahi manua Farani ra o Rigault de Genouilly no te haere atu i Saïgon. E manua nehenehe hoi o tei tae to'na tane i te 2.600, e e mea huru maoro hoi to'na parahiraa i to tatou mau fenua moana nei.

Te faaite mai nei te taata ra o Clarence COTTON, te taata haapao puaa oviri i Amerika e, e tia i te alope ia horo e 26 maile i te hora hoê. Ua na ô atoa mai oia e, e tia atoa i te pea ia tae i te 28 maile i te hora ia horo oia. Ua taa ia'na ia ite i te reira mau ohipa, no te mea ua auau te reira mau puaa i to'na pereoo uira, e i te reira taime ua hi'o oia i ta'na faito maile.

E animala fana'o te Erefani no te mea, ia ino noa'tu to'na mau niho, e ere te reira te peapea ia'na, no te mea e tupu mai to'na mau niho e ono taime i roto i to'na oraraa.

E mea tere anei teie ? Ua papu roa i teie nei, i te feia tei imi i te mau mea hohonu, i te huru o te tere o te maramarama. Te na ô mai nei ratou e, e pau o hoê tetoni e te afa i te maramarama no te haereraa mai, mai te ava'e i nia i te fenua, e e tia atoa i te maramarama ia faaati i te ao nei, e hitu taime i roto i te tetoni hoê roa ra.

Noa'tu e, e manu nainai te rô, te faaite mai nei te mau taata o tei haapii i te huru o te oraraa o te mau manumanu rii atoa, e ora te rô i na matahiti e hoê ahuru ma pae, o to te rô ovahine ia, e e pae noa iho matahiti, o to te rô otane ia.

Ua manuia roa te hoê taote i te ohipa ta'na i opua, oia hoi, uarave oia'i te hoê avae no te tahi iore e ua taati atu i te reira i nia iho i te tahi iore e atu e ua manuia roa oia, no te mea ua taati maitai atu te ivi, te uaua e te i'o, e ua rave maitai taua avae i ta'na ohipa. Te vai ra paha te mahana e na reira atoa te taote i te taata.

Te parau mai nei te hoê taata hi'o fetia, o Horace LAMB to'na i'oa, mai te mea e faaea te ao nei i te tere faahou na to'na iho e'a, e û ihoa oia i nia i te mahana ia hope na mahana e 65, e i reira e pau ihoa'i te ao nei i te auahi.

Te hoo o teie nei ve'a :

E pae farane i te matahiti hoê ;

E hoê ahuru farane no na matahiti e toru.

Marcel Bonnet Gérant

Kenneth R. Stevens, Imprimeur.

Rue Dumont d'Urville, Orovini, Papeete, Tahiti.

